

四川府縣志輯

中國地方志集成

嘉慶金堂縣志

同治續金堂縣志

民國金堂縣續志



中國地方志集成

四川府縣志輯 ④

嘉慶金堂縣志

同治續金堂縣志

民國金堂縣續志

巴蜀書社 ● 江蘇古籍出版社 ● 上海書店

中國地方志集成

四川府縣志輯④

出版 巴蜀書社

(成都鹽道街三號)

印刷 成都東方福利彩印廠

發行 四川省
新華書店

責任編輯 謝藝波
封面設計 范一辛
(川)新登字〇〇八號

1992年8月第1版 1992年8月第1次印刷

ISBN7-80523-478-7/K·96

補刻金堂縣志書序

輿稽千秋金鑑原多記載之文百里花封豈乏攷稽之事况一官守土前賢既富纂修數卷殘編後起宜加補葺如我金邑志書乃前任謝君兼三所創修也炳炳麟麟成書凡十有一册原原本本閱世已卅有餘年遺帙無多幾等弁髦之棄置歷時既久漸教文

序



一

字之銷沉余職忝代庖情殷訪古宛似異書難覓借擬荊州幾同文獻無徵淪如杞宋爰按稽夫版策欲廣梓以流傳乃蟬蠹無情屢食神仙之字棗梨雖勁半成朽腐之材毀龜玉於櫝中是誰之咎誤豕魚於簡上惟士之羞展閱沈吟摹抄嘆息夫旁搜博採剽始作者良難振舊培新守成編者尙易倘任風霜剝

蝕必同草木淪亡未能製錦以增華轉若治絲而棼棄是後來之司牧未暇增修卽已往之哲人更多遺

憾用是量捐鵷俸力效蟲雕豹必全窺貂毋妄續麟荒園之載葺補種羣花似大厦之將頽添扶數木非敢謬爲驥附欲沾良宰之名惟期永播鴻文不墜昔賢之績若夫補前時之缺畧增近日之傳聞旣慚管

序



二

見難窺莫資考鏡尤恐瓜期未久曷備蒐羅所望後有循良培茲典籍庶或完同趙璧全此時未竟之功程勒似韓碑作

盛世永垂之方策

道光二十四年歲次甲辰十一月冬至日署金堂縣事大竹縣知縣甘肅楊得質撰並書

序

志史之一端也而縣志取例於

家史凡山川風土之宜文物典

章之制以及兵刑賦欽因革

廢置之條胥於是乎載貴博

序

也而有要貴該也而不遺酌古

準今宜民通變膺民社者藉

以攷得失出政記非徒一官一

邑之掌故也至堂漢新都牛

鞞二縣地唐析置金堂縣石

晉改漢城元為懷州明復為金

堂縣

國朝因之廣袤三百里地土

肥饒人物殷盛素稱大邑連

前明獻賦之亂庖井蕭條文

序

獻遂殘缺焉

國朝開闢以來莅茲邑者起

衰振廢勤政恤民如學校壇

廟水利倉儲諸大政咸次第

修舉之獨志乘缺如不惟荒

落貽識且無以徵信於後而當年良有司宣風播化煥一代之新猷溥萬民之膏澤者其良法美意不俱湮沒不彰耶會稽謝蕙三明府來宰此邑

序

三

者十年下車之後問民疾苦勸於撫字凡前邑侯有創建未備者踵而行之皆補其所不及田野闢市肆安民俗蒸然以髦蔚起規模氣象燦然一

新歌頌溢於四境公餘之暇博采前言往行訪求故老傳聞並兩漢三唐以來典籍及省志諸書精心考究輯為全堂縣志卷之十一分部三列志

序

四

九櫛比鱗次各以類從綱舉目張魚、雅、洵足備疆索之全而供輶軒之采矣稿脫將付剞劂適余寄寓金堂並以舊曾攝篆斯邑問序於余自愧庸

陋承乏於此僅數閱月無以建
白以慰都人士之望竊喜是書
告成立是補余所不逮因溯其
源委弁數語於卷首以見無三
之治斯邑政成而得書上考者

序

五

其用心良苦異日遷擢去繼宰
於斯者得據邑乘以攷得失出
政治敦行勿墜厯久彌先信

盛世循良之治譜也夫

嘉慶十五年歲在上章敦祥

且月上澣

誥授中憲大夫四川分巡川東兵
備道隨帶軍功加四級紀錄十二
次前寧遠府知府賓州直隸州
知州華陽縣知縣丹徒嚴士鎔

序

六

撰并書



以志名史始于陳壽以志名一國之史始于常璩此後世郡國州縣所以有志乘之輯也顧壽志三國於蜀最略道將華陽國志可謂詳矣而後人猶有議其未脩者作史莫難于志信已況以一邑之地廣袤不過三百里而又值屢經兵燹之後故老傳

序

聞叢殘舊冊一皆無可徵訂乃欲萃千百年土地人民政事之全兼綜而條貫之不更難哉雖然邑之有志非徒以矜賅洽也觀疆索之廣狹可以審牧圉之捍焉察戶口之盈虛可以知富庶之本焉攷經制之得失可以求措施之宜焉使畏其難而因

序

循養望不思網羅散失以存什一於千百則舊蹟之傳漸至湮滅再歷數百年後又何從而攷鏡之然則兼三明府所由亟亟然以輯縣志為己任者其所見誠大且遠也金堂自唐以來經沿革者屢矣本朝因明之舊置縣治焉顧一燬於兵再

二

燬於火文獻之故闕而無徵

開國至今守土諸君子良法美意猶時時表著于口碑而獨於志乘一書皆若有志而未逮是所謂畏其難而莫之為者非耶兼三莅任後與吾民休養生息政已大行乃毅然以編輯自任本之通志以得其要

略復旁採漢唐以來圖經冊籍金石文字而辨証於耆舊之耳目審擇于哲匠之心思以志從部以類從志源分派別綱舉目張誠有如兼三所自言好以整者即其書以知其政蓋十年來撫字之苦心莫不予斯具在矣顧吾猶有望者事莫難於創而

序

三

易於因今兼三既為其難而自今以後政俗人事之代易有數十年而一變數百年而一變者則固非兼三今日之志所能知也所冀後之賢尹念輯志者之難而修舉廢墜以補今茲所未及使金堂志一書亦是與璩壽所著述相終始是則兼三之志

也夫

嘉慶十五年十二月中浣四川成都府知府新建曹六興撰



序

四

自叙

大凡各郡縣類皆有志詳建置
脩典章書民風土俗以垂久遠將
以覘山川形勝焉審丁賦方物焉
徵文考獻焉於是乎在是志之斷
不可無也金堂為成都支邑輿圖

序

一

武廓庶彙殷蕃余自履任初嘗周
咨父老訪以舊聞往之人各異詞
無徵不信因思志者史之流別所
闕匪細脩輯之舉尚可曰循延緩
乎哉前朝以來豈無縣志觀省志
風俗中引註亦似舊有成書者無

如巡訪久而弗得度明季兵燹後
失傳之矣我

朝定鼎海宇恬熙藐茲下邑咸覩
盈寧之象而歌詠太平涵濡
醲化百數十年尚復紀載闕如蓋
前人有待而云然昔日既不果

序

二

而俟於今又俟之於後吾烏知
後之人不又有志未逮留以待
耶昔朱子莅官所至輒搜訪志乘
古之大賢猶且急之余何敢泄視
也獨念前無所承後無所藉雖有
通志數篇僅可舉其崖略未免創

始為難秦以前統於蜀國蜀郡至
漢分隸於新都牛鞞兩縣而後金
堂之地始有可指此秉筆者之濫
觴也上下數千年縱橫數百里考
古殊非易、若夫家數古處人叙
彝倫窮鄉僻壤時、有之而荒榛

序

三


叢莽之中古蹟遺踪又復所在不
之則采訪恐難周及也因商之二
三同志相與網羅佚事徵引史書
博采旁搜次第輯錄為部者三
為綱者九為目者三十有六共計
十有一卷經營初略具規模

祇備將來之考鏡而勉力以成自
慙穢線靡長管窺渺識誦陋之
譏知所不免後有博雅君子脩飾
而增訂之是固余所深望者耳因
付剞劂聊叙其緣起於簡端
嘉慶十六年歲次辛未孟春月上

序

四

浣侯補同知直隸州金堂縣知縣
會稽謝惟傑撰



金堂縣志

修志姓氏

鑒定

四川分巡川東兵備道嚴士銖

江蘇丹徒縣拔貢生

四川成都府知府曹六興

江西新建縣監生

纂修

成都府金堂縣知縣謝惟傑

浙江會稽縣監生

分纂

金堂縣學教諭成道華

江浦縣舉人

金堂縣志

卷首

姓氏

金堂縣學訓導張城

西充縣舉人

編輯

原任彭水縣典史黃烈

浙江山陰縣監生

縣學生員陳一津

參閱

金堂縣典史鄭蘭

浙江歸安縣監生

秀山縣學訓導馮國柱

辛酉科拔貢生

辛酉科拔貢生何椿齡

分校

金堂縣志目錄

卷首

序文

修志姓氏

凡例

諸圖

卷一 土地部上

建置志

沿革

金堂縣志

卷首

目錄

城池

併舊城

官署

併公所義所

壇廟

併會館

卷二 土地部中

疆域志

界至

鄉鎮

併第宅

津梁

併堤

風俗

併禮俗時序

卷三 土地部下

山川志

陵阜 併塚墓

河渠 併泉池塘堰

寺觀 併塔

物產

卷四 人民部上

官師志 名宦附

知縣

金堂縣志 卷首 目錄

儒學

典史

駐防 併貼防

卷五 人民部中

選舉志 鄉賢附

薦辟

科第 併副貢

援例

行伍

卷六 人民部下

士女志

行誼

列女

藝術

方外

卷七 政事部上

學校志

學宮 併學額

金堂縣志 卷首 目錄

書院 併義學

學田

經籍

卷八 政事部中

民賦志

戶口

田賦

權稅

倉儲

卷九 政事部下

防禦志

兵制

民壯

舖遞

保甲

卷末

治景圖

外編

金堂縣志

卷首

目錄

四

墳記

跋語

金堂縣志

凡例十二則

一金堂在漢晉尙屬牛鞞新都兩縣地西魏以來始分疆域然亦或置或廢故古事特畧唐宋而還盛矣奈數代之文章方萃於蜀而流賊之兵燹復極於蜀金堂適當蹂躪之區一再至而文獻盡矣

國朝平定後休養生息經百數十年而志乘闕如加以乾隆辛巳回祿之災案牘已多燬失以故搜羅採訪考鏡爲難今茲所載僅可存什一於千百耳

金堂縣志

卷首

凡例

一

一凡縣志類多首列星野繪圖徵說每援引通志所載星躔及史漢晉隋唐宋諸書以附會之夫一縣之地不足以當一度何論某宿是以不立此門

一金堂爲成都近郊屬邑粵稽前代則金水金淵白牟異其名爲軍爲州爲縣異其制屬凱屬漢屬潼異其隸廢置裁併疊有紛更秉筆者易滋棼惑茲乃據今追昔溯本窮源參覈加詳登註明晰以備觀覽

一顏師古曰志記也積記其事也作志則頭緒冗曠應須立法以整齊之斯編有依類附見者如城池則併

街坊科第則併副貢之類是也有依志彙入者如名宦則附官師鄉賢則附選舉之類是也仍各標名目於本條之下位置得宜似覺省繁而醒目

一斯編徵引史書如薦辟隱逸方技節孝中有原註新都人牛韓人者採錄入志幾同濫借門面詎知人傑地靈地因人重名賢鍾毓亦視乎其地而已地屬他邑時則爲他邑人隸金堂斯爲金堂人矣確加考訂志中悉行闕入蓋依

本朝地輿爲準不必以昔時之疆域限也

金堂縣志

卷首 凡例

二

一志乘所以發潛闡幽亦以風勵頽俗最重士女一帙而尤取行誼列女爲先蓋建置疆域山川官師選舉學校民賦防禦或徵諸典籍或求之案牘或采自碑銘按類詳稽皆可兼綜而條貫之若匹夫匹婦之孝義節烈乃潛德幽光出於至性行其心之所安未嘗求人知也不爲表章名將焉附第義烈之行可以一時成卽可以一事取若孝與節非從容樂易者不能故節必符年例孝必俟蓋棺未可苟焉而已采輯濡毫惟望無遺無濫

一志必有圖卽古人左圖右史之義茲志於輿地城池衙署先載三圖以崇

熙朝建置繪書院所以隆學校繪水利所以厚民生繪文武文昌城隍四廟所以昭祀典俱列諸卷首又刪擬治景八圖以徵同人題詠特點綴之餘事耳故附諸卷末

一足書旁採遐稽如官職姓氏地名之類必詳加考證期得徵信於後其有以道里紀歲時紀者俱確查年月及現在距城里數分晰登載否則寧從闕畧不敢

金堂縣志

卷首 凡例

三

仍譌襲舛貽悞方來

一志本源於史而體例要自不同史綜善惡志則有善而無惡史取關係志則鉅細皆登惟恐弗備矧邑乘宜詳原與郡志省志有別茲於境中事凡屬可取者均爲采入各以類從其有難從類者另列外編瑣記以備參考

一志有藝文乃古史記言之例也凡屬記序詩銘取其有關風土政教者分附各類綴於本條之下惟惜兵燹之餘前賢傑作蒐羅極渺爲悵悵耳

一是編但就金堂所有仿土地人民政事爲三部分
三志志統四類凡九志三十六類其有類而不足特
立者則附見之並首末共十一卷綱舉目張惟冀便
於緝閱

作志有舊本可因卽或簡斷編殘猶足增修刪訂而
金堂經始草創頗費周章然爲所當爲弗敢存畏難
之見也是用博訪遐諏聿資衆力計采自通志華陽
國志及漢唐以來史籍者十之四從縣學兩署檔案
并士庶家藏書輯入者十之三得自民間諸帙碑碣

金堂縣志

卷首 凡例

四

鐘銘及者舊傳聞者亦如之規撫初就墨漏孔多不
過聊爲大輅椎輪尙有望於拾遺補闕後之君子尙
其廓所未逮

稍山謝惟傑瞻窓氏識

地 圖 全 圖

金堂縣志

卷首諸圖

東 廣東省電報局

